

Säämi parlamentaarlâš räädi (Suomâ, Taažâ já Ruotâ sämitigij oovtâstpargo-orgaan) aalgât 1.8.2015 ohtsâštave-eennâmlâš sâmikielâ áámmát- já reesuurskuávdáá Säämi Kielâkäldee jotkâproojeekt, mii nohá 31.5.2018. Proojeekt válduruttâdeijee lii EU Interreg Tave –ohjelm.

Taan ohtâvuodâst Suomâ Sämitigge ocá

### meriáigásii proojeektčällee

Pargo álgá 1.8.2015 já pištá kiddâ 31.5.2018 räi. Proojeektčällee pargoid kuleh proojeekt piäivälâš toimâttâhpargoh, čuákkimij ornim sehe proojeekt ruttâtuálupargoh. Pargei puáhtá meridiđ eres-uv tooimâid, moh kuleh ohtsâštave-eennâmlâš sâmikielâ áámmát- já reesuurskuávdáá jotkâprojektân.

Tohálâšvuodâvátámâššân lii pargo vaattâm škovlim já lasseen váttoo sâmikielâ táidu. Pargo miánástuvvee tipšom išedeh šiev sâmikielâ njálmálâš já kirjálâš táidu sehe kelijdeijee hárxánem toimâttâh- já ruttâtuálupargoin.

Ohtsâštave-eennâmlâš sâmikielâ áámmát- já reesuurskuávdáá pargokielah láá sâmikielâ sehe suomâkielâ já ruotâ-/tárukielâ. Kuávdáá pargon lii oovtâst sämitigijn ohtsâštave-eennâmlâš kielâoovtâstpargo nanodem já ovdodem, sâmikielâ nanodem já ovdodem nuuvt, et jieškote-uv kielâjuávhu ohtâgâslâš táárbuh, hástuseh já naavcah váldojeh vuotân, sehe sâmikielâ virkosmittem já turvim puátteevuodâst.

Proojeektčällee lii palvâluskoskâvuodâst Suomâ sämitiigán já pälkki miärášuvá Suomâ sämitige pälkkáattemvuáhádud vátávâšvuodâtääsi VI/II mielđ (vuáđupälkki 1 842,14 eurod/mp). Vuáđupäälhi lasseen máksojeh 24 % sâmikuávlulase já pargohárxánem mielđ miärášuvvee hárxánemlaseh. Toimâsaje lii sämitiggeest Sajosist.

**Ucâmušâid lahtosijdiskuin kalga toimâttid Suomâ sämitige čäällimkoodán 10.7.2015 tme 16.00 räi čujottâssáin: Sajos, 99870 Aanaar.** Lasetiäđuid pargoost adelává kielâtorvočällee Siiri Jomppanen [siiri.jomppanen@samediggi.fi](mailto:siiri.jomppanen@samediggi.fi) ja má. kielâaašijčällee Marko Marjomaa. [marko.marjomaa@samediggi.fi](mailto:marko.marjomaa@samediggi.fi) Sämitige tooimân puáhtá uápásmuđ nettičujottâsâst [www.samediggi.fi](http://www.samediggi.fi).

Anarist 18.6.2015

Sämitigge